



PL
2698
L52
1730
v.23

辛夷

辛夷木筆望春花。一卉而數異其名。又無甚新奇可
取。名有餘而實不足者。此類是也。園亭極廣。無一不
備者。方可植之。不則當爲此花藏拙。

山茶

花之最不耐開。一開輒盡者。桂與玉蘭是也。花之最
能持久。愈開愈盛者。山茶石榴是也。然石榴之久。猶
不及山茶。榴葉經霜卽脫。山茶戴雪而榮。則是此花
也。者具松柏之骨。挾桃李之姿。歷春夏秋冬如一日。

殆草木而神仙者乎。又况種類極多。由淺紅以至深紅。無一不備。其淺也如粉。如脂。如美人之腮。如酒客之面。其深也如硃。如火。如猩猩之血。如鶴頂之珠。可謂極淺深濃淡之致。而無一毫遺憾者矣。得此花一二本。可抵羣花數十本。惜乎予園僅同芥子。諸卉種就不能再納。須彌僅取盆中小樹。植于怪石之旁。噫。善善而不能用。惡惡而不能去。予其郭公也夫。

紫薇

人謂禽獸有知。草木無知。子曰不然。禽獸草木盡是

有。知。之。物。但。禽。獸。之。知。稍。異。于。人。草。木。之。知。又。稍。異。于。禽。獸。漸。蠢。則。漸。愚。耳。何。以。知。之。知。之。于。紫。薇。樹。之。怕。癢。知。癢。則。知。痛。知。痛。癢。則。知。榮。辱。利。害。是。去。禽。獸。不。遠。猶。禽。獸。之。去。人。不。遠。也。人。謂。樹。之。怕。癢。者。只。有。紫。薇。一。種。餘。則。不。然。予。曰。草。木。同。性。但。觀。此。樹。性。癢。即。知。無。草。無。木。不。知。痛。癢。但。紫。薇。能。動。他。樹。不。能。動。耳。人。又。問。既。然。不。動。何。以。知。其。識。痛。癢。予。曰。就。人。喻。之。怕。癢。之。人。搔。之。即。動。亦。有。不。怕。癢。之。人。聽。人。搔。扒。而。不。動。者。豈。人。亦。不。知。痛。癢。乎。由。是。觀。之。草。木。之。受。

誅鋤猶禽獸之被宰殺其苦其痛俱有不忍言者人能以待紫薇者待一切草木待一切草木者待禽獸與人則斬伐不敢妄施而有疾痛相關之義矣

綉毬

天工之巧至開綉毬一花而止矣他種之巧純用天工此則詐施人力似肖塵世所爲而爲者剪春羅剪秋羅諸花亦然天工于此似非無意蓋曰汝所能者我亦能之我所能者汝實不能爲也若是則當再生一二蹴毬之人立于樹上則天工之關巧者全矣其

不屑爲此者。豈以物可肖。而人不足肖乎。

紫荊

紫荊一種花之可已者也。但春季所開多紅少紫。欲備其色。故間植之。然少枝無葉。貼樹生花。雖若紫衣少年。亭亭獨立。但覺窄袍緊袂。衣瘦身肥。立于翩翩舞袖之中。不免代爲蹙蹙。

梔子

梔子花無甚奇特。予取其彷彿玉蘭。玉蘭忌雨。而此不忌雨。玉蘭齊放。齊凋。而此則開以次第。惜其樹小。

而不能出簷如能出簷卽以之權當玉蘭而補三春恨事誰曰不可

杜鵑 櫻桃

杜鵑櫻桃二種花之可有可無者也所重于櫻桃者在實不在花所重于杜鵑者在西蜀之異種不在四方之恒種如名花俱備則二種開時儘有快心而奪目者欲覽餘芳亦愁少暇

石榴

芥子園之地不及三畝而屋居其一石居其一乃榴

之大者復有四五株。是點綴吾居。使不落寞者。榴也。
盤踞吾地。使不得盡栽他卉者。亦榴也。榴之功。罪不
幾半乎。然賴主人善用榴。雖多不爲贅也。榴性喜屋
就。其根之宜石者。從而山之。是榴之根。卽山之麓也。
榴性喜日。就其陰之可庇者。從而屋之。是榴之地。卽
屋之天也。榴之性。又復喜高而直上。就其枝柯之可
傍而。又借爲天際真人者。從而樓之。是榴之花。卽吾
倚欄守戶之人也。此芥子園主人區處石榴之法。請
以公之樹木者。

木槿

木槿朝開暮落其爲生也良苦與其易落何如弗開。造物生此亦可謂不憚煩矣。有人曰不然。木槿者花之現身說法以儆愚蒙者也。花之一日猶人之百年。人視人之百年則自覺其久。視花之一日則謂極少而極暫矣。不知人之視人猶花之視花。人以百年爲久。花豈不以一日爲久乎。無一日不落之花則無百年不死之人可知矣。此人之似花者也。乃花開花落之期雖少而暫猶有一定不移之數。朝開暮落者必

不幻而爲朝開午落午開暮落乃人之生死則無一定不移之數有不及百年而死者有不及百年之牛與百年之二三而死者則是花之落也必爲人之死也忽焉使人亦如木槿之爲生至暮必落則生前死後之事皆可自爲政矣無如其不能也此人之不能似花者也人能作如是觀則木槿一花當與萱草並樹睹萱草則能忘憂睹木槿則能知戒

桂

秋花之香者莫能如桂樹乃月中之樹香亦天上之

香也。但其缺陷處。則在滿樹齊開。不留餘地。予有惜
桂詩云。萬斛黃金碾作灰。西風一陣總吹來。早知三
日都狼籍。何不留將次第開。盛極必衰。乃盈虛一定
之理。凡有富貴榮華一蹴而至者。皆玉蘭之爲春光。
丹桂之爲秋色。

合歡

合歡蠲忿。萱草忘憂。皆益人情性之物。無地不宜種
之。然踏萱草而忘憂。吾聞其語矣。未見其人也。對合
歡而蠲忿。則不必訊之他人。凡見此花者。無不解悟。

成歡破啼爲笑。是萱草可以不出。而合歡則不可不
栽。栽之之法。花譜不詳。并不詳也。以作譜之人。非真
能合歡之人也。漁人談錄事。農父耆所。有約客其
詞而已。凡植此花。不宜出之庭外。深閨曲房。是其所
也。此樹朝開暮合。每至昏黃。枝葉互相交結。是合
歡。植之閨房者。合歡之花。宜置合歡之地。如椿萱宜
在承歡之所。荆榛宜在友于之場。欲其稱也。此樹栽
于內室。則人開而樹亦開。樹合而人亦合。人既爲之
增愉。樹亦因而加茂。此所謂人地相宜者也。使居寂

莫之境不亦虛負此花哉。灌勿太肥。常以男女同浴之水隔一宿而澆其根。則花之芳妍較常加倍。此予既驗之法。以無心偶試而得之。如其不信。請同覓二本。一植庭外。一植閨中。一澆肥水。一澆浴湯。驗其孰盛孰衰。卽知予言謬不謬矣。

木芙蓉

木芙蓉之于夏。木芙蓉之于秋。可謂二季功臣矣。然木芙蓉必須池沼。所謂伊人在水一方者。不可數得。茂叔之好。徒有其心而已。木則隨地可植。况二花之

豈相距不遠。雖居岸上。如在水中。謂之秋蓮。可謂之夏蓮。亦可。卽自認爲三春之花。東皇未去也。亦可。凡有離落之家。此種必不可少。如或傍水而居。隔岸不見此花者。非至俗之人。卽薄福不能消受之人也。

夾竹桃

夾竹桃一種花。則可取而命名。不善以竹乃有道之士。桃則佳麗之人。道不同。不相爲謀。合而一之。殊覺矛盾。請易其名爲生花竹。去一桃字。便覺相安。且松竹梅素稱三友。松有花。梅有花。惟竹無花。可稱缺典。

得此補之。豈不天然。奏合亦女媧氏之五色石也。

瑞香

茂叔以蓮爲花之君子。予爲增一畝。國曰瑞香。乃花之小人。何也。譜載此花一名麝囊。能損花。宜另植。予初不信。取而嗅之。果帶麝味。麝則未有不損羣花者也。同列衆芳之中。卽有朋儕之義。不能相資相益。而反崇之。非小人而何。幸造物處之得宜。予以不能爲患之勢。其開也。必于冬春之交。是時羣花搖落。萼卉未榮。及見此花。若僅有梅花水仙二種。又在成功將

退之。係。當。其。時。也。亦。久。故。懼。其。毒。也。亦。不。深。此。之。也。
之。善。用。小。人。也。使。易。之。而。為。善。其。之。也。可。也。
王。亦。幾。被。其。解。下。此。者。乎。世。衆。前。名。流。解。不。為。善。而。
色。贊。以。詩。詞。者。皆。以。蚤。春。無。花。得。此。可。擢。目。處。之。也。
見。其。佳。而。未。逢。其。虐。耳。予。僭。為。香。國。平。章。焉。得。不。責。
公。持。正。寧。使。一。小。人。怒。而。欲。殺。不。敢。不。為。眾。君。子。指。
隄。防。也。

茉莉

茉莉一花。單為助粧。而設其天生。以媚婦人者。乎。是。

花皆曉開。此獨暮開。暮開者。使人不得把玩。秘之以待曉粧也。是花蒂上皆無孔。此獨有孔。有孔者。非此不能受簪。天生以爲立脚之地也。若是則婦人之性。乃天造地設之事耳。植他樹皆爲男子種。此花獨爲婦人。旣爲婦人。則當眷屬視之矣。要海者。止一林通。妻茉莉者。當徧天下。而是也。

欲藝此花。必求木本。藤木一樣。若花但苦經年即死。視其死而莫之救。亦仁人君子所不樂爲也。木本是難過冬。子嘗歷驗收藏之法。此花瘞于寒者。什一。

于乾者什九人皆畏凍而滴水不澆是以枯死此見
墮廢食之法有避嘔逆而經時絕粒其人尚存者乎
稍煖微澆大寒卽止此不易之法但收藏必于暖處
殘單必不可無澆不用水而用冷茶如斯而已予藝
此花三十年皆爲燥誤今始識此以告世人亦其否
極泰來之會也

藤本第二

藤本之花必須扶植扶植之具莫妙于從前
成法之用竹屏或方其眼或斜其幅因作歲

蕤柱石遂成錦綉牆垣使內外之人隔花阻
葉礙紫間紅可望而不可親此善制也無奈
近日茶坊酒肆無一不然有花卽以植花無
花則以代壁此習始于維揚今日漸及他處
矣市井若此高人韻士之居斷斷不應若此
避市井者非避市井避其勞勞攘攘之情觸
銖必較之陋習也見市井所有之物如在市
井之中居處習見能移性情此其所以當避
也卽如前人之取別號每用川泉湖宇等字

其初未嘗不新未嘗不雅。迨後商賈者流。家
倣而戶則之。以致市肆標榜之上。所書姓名。
非川卽泉。非湖卽宇。是以避俗之人。不得不
去之。若免邇來縉紳先生。悉用齊菴二字。極
宜。但恐用者過多。則而效之者。又入從前標
榜。是今日之齊菴。未必不是前日之川泉湖
宇。雖曰名以人重。人不以名重。然亦實之實
也。已噪寰中者。仍之繼起。諸公似應稍變人
間。植花旣不用屏。豈遂聽其滋蔓于地乎。曰。

不然屏仍其故制畧新之雖不能保後日之
市壘不又變爲今日之園圃然新得一日是
一日異得一時是一時但願貿易之人併性
情風俗而變之變亦不求盡變市井之念不
可無壘斷之心不可有覓應得之利謀有道
之生卽是人間大隱若是則高人韻士皆樂
得與之游矣復何勞擾錙銖之足避哉花屏
之製有三列于藤本之末

結屏之花薔薇居首其可愛者則在富子。雖而不一其色。大約屏間之花。皆在五彩繽紛。若工下四旁皆一其色。則是佳人忌作之。綉庸工不給之。圖列于亭齋。有何意致。他種屏花。若木香。酴醿。月月紅。諸本族類。有限爲色不多。欲其相間。勢必旁求他種。結之。苗裔極繁。其色有赤。有紅。有黃。有紫。甚至有黑。有紅之一色。又判數等。有大紅。深紅。淺紅。肉紅。粉紅。之異。屏之寬者。盡其種類。所有而植之。使條梗蔓延相錯。花時。圖麗。可傲步幃。于石崇。然徵名考實。則皆薔薇。

也是屏花之富者莫過于薔薇他種衣色雖妍終不免于捉襟露肘

木香

木香花密而香濃此其稍勝薔薇者也然結屏單靠此種未免冷落勢必依傍薔薇薔薇宜架木香宜棚者以薔薇條幹之所及不及木香之遠也木香作屋薔薇作垣二者各盡其長主人亦均收其利矣

木香

木香花密而香然亦屏間必需之物以其

花候稍遲可續二種之不繼也。開到酴醾花事了。每憶此句情興爲之索然。

月月紅

俗云人無千日好。花難四季紅。四季能紅者。現有此花。是欲矯俗言之失也。花能矯俗言之失。何人情反聽其驗乎。綴屏之花。此爲第一。所苦者樹不能高。故此花一名瘦客。然予復有用短之法。乃爲市井之人。強迫而成者也。法在屏制之第三幅。此花有紅白及淡紅三本。結屏必須同植。

此花又名長春。又名鬪雪。又名勝春。又名月季。子子種種之外。復增一名曰斷續。花之斷而能續。續而復能斷者。只有此種。因其所開不繁。留爲可繼。故能綿邈。若此其餘一切之不能續者。非不能續。正以其不能斷耳。

姊妹花

花之命名莫善于此。一蓓七花者曰七姊妹。一蓓十花者曰十姊妹。觀其淺深紅白。確有兄長娣幼之分。殆楊家姊妹現身乎。予極喜此花。二種並植。繫其名。

爲十七姊妹。但怪其蔓延太甚。溢出屏外。雖日刈月除。其勢猶不可遏。豈黨與過多。釀成不戢之勢歟。此無他。皆同心不妬之過也。妬則必無是患矣。故善禦女戎者。妙在使之能妬。

玫瑰

花之有利于人而無一不爲我用者。菱荷是也。花之有利于人而我無一不爲所奉者。玫瑰是也。菱荷利人之說。見于本傳。玫瑰之利。同于菱荷。而令人可親可溺。不忍暫離。則又過之。羣花止能娛目。此則口眼。

鼻舌以至肌體毛髮無一不在所奉之中。可囊可食。可嗅可觀。可插可戴。是能忠臣其身。而又能媚子其術者也。花之能事畢于此矣。

素馨

素馨一種。花之最弱者也。無一枝一莖。不需扶植。子。嘗謂之可憐花。

凌霄

藤花之可敬者。莫若凌霄。然望之如天際真人。卒急不能招致。是可敬亦可恨也。欲得此花。必先蓄奇石。

古木以待。不則無所依附而不生。生亦不大。予年
幾能爲奇石古木之光。置而蓄之乎。欲有此花。非入
深山不可行。當卽之以舒此恨。

眞珠蘭

此花與葉並不似蘭。而以蘭名者。肖其香也。卽香味
亦稍別。獨有一節似之。蘭花之香與之習處者不覺。
驟遇始聞之。疎而復親始聞之。是花亦然。此其所以
名蘭也。閩粵有木蘭樹。大如桂花。亦似之。名不附桂。
而附蘭者。亦以其香隱而不露。耐久聞而不耐急嗅。

故耳。凡人驟見而卽覺其可親者，乃人中之玫瑰。非友中之芝蘭也。

草本第三

草本之花經霜必死。其能死而不死，交春復發者，根在故也。常聞有花不待時先期使開之法，或用沸水澆根，或以硫黃代土，開則開矣。花一敗而樹隨之根亡，故也。然則人之榮枯顯晦成敗利鈍，皆不足據，但詢其根之無恙否耳。根在則雖處厄運，猶如霜後之花，其

也可坐而待也。如其根之或亡，則雖處
榮顯耀之境，猶之奇葩爛目，總非自開之
花。其復發也，恐不能坐而待矣。予談草木，輒
以人喻。豈好爲是曉曉者哉？世間萬物，皆爲
人設。觀感一理，備人觀者，卽備人感。天之生
此，豈僅供耳目之玩，情性之適而已哉？

芍藥

芍藥與牡丹媲美。前人署牡丹以花王，署芍藥以花
相寬哉！予以公道論之：天無二日，民無二王。牡丹正

立。于。香。園。芳。藥。自。難。並。驅。雖。別。尊。卑。亦。當。在。五。等。諸。侯。之。列。豈。王。之。下。相。之。上。遂。無。一。位。一。座。可。備。酌。功。之。用。者。哉。歷。翻。種。植。之。書。非。云。花。似。牡。丹。而。狹。則。曰。子。似。牡。丹。而。小。由。是。觀。之。前。人。評。品。之。法。或。由。皮。相。而。得。之。噫。人。之。貴。賤。美。惡。可。以。長。短。肥。瘦。論。乎。每。于。花。時。奠。酒。必。作。溫。言。慰。之。曰。汝。非。相。材。也。前。人。無。識。謬。署。此。名。花。神。有。靈。付。之。勿。較。呼。牛。呼。馬。聽。之。而。已。子。于。秦。之。鞏。昌。攜。牡。丹。芳。藥。各。數。十。本。而。歸。牡。丹。所。者。頗。少。幸。此。花。無。意。不。虛。負。載。之。勞。豈。人。爲。知。之。

者花反爲知己生乎。

蘭

蘭生幽谷無人自芳是已。然使幽谷無人蘭之芳也。誰得而知之。誰得而傳之。其爲蘭也亦與蕭艾同腐而已矣。如入芝蘭之室久而不聞其香是已。然既不聞其香與無蘭之室何異。雖有若無非蘭之所以自處亦非人之所以處蘭也。吾謂芝蘭之自舉竟喜人相俱畢竟以人聞香氣爲樂。文人之言只顧贊揚其美而不顧其性之所安。強半皆若是也。然相俱貴乎。

有情有情務在得法。有情而得法則坐芝蘭之室久而愈聞其香。蘭生幽谷與處曲房其幸不幸相去遠矣。蘭之初着花時自應易其坐位。外者內之遠者近之卑者尊之。非前倨而後恭人之重蘭非重蘭也。重其花也。葉則花之興從而已矣。居處一定則常美其供設書畫錯餅種種器玩皆宜森列其旁。但勿焚香香薰即謝匪妬也。此花性類神仙怕親烟火非忌香也。忌烟火耳。若是則位置隄防之道得矣。然皆情也。非法也。法則專爲聞香如入芝蘭之室久而不聞其

香者以其知入而不知出也。出而再入則後來之香倍平前矣。故有蘭之室不燒久坐另設無蘭者一間以作退步。時進時退多退少則刻刻有香。雖坐無蘭之室若依倩女之魂是法也。而情在其中矣。如止有此室則以門外作退步或往行他事。事畢而入以無意得之者其香更甚。此予消受蘭香之訣秘之終身而洩于一旦殊可惜也。

此法不止消受蘭香。凡屬有花房舍皆應若是。即焚香之室亦然。久坐其間與未嘗焚香者等也。門上布

衆必不可少護持香氣全賴乎此若止靠門扇開閉則門開盡洩無復一線之留矣

蕙

蕙之與蘭猶芍藥之與牡丹相去皆止一間耳而世之貴蘭者必賤蕙皆執成見泥成心也人謂蕙之花不如蘭其香亦遜吾謂蕙誠遜蘭但其所以遜蘭者不在花與香而在葉猶芍藥之遜牡丹者亦不在花與香而在梗牡丹係木本之花其開也高懸枝梗之上得其勢則能壯其威儀是花王之尊尊于勢也芍

藥出于草本。僅有葉而無枝。不得一物相扶。則委而仆于地矣。官無與從。能自壯其威乎。蕙蘭之不相扶也。反是。芍藥之葉。苦其短。蕙之葉。偏苦其長。芍藥之葉。病其太瘦。蕙之葉。病其太肥。當強者弱。而當弱者強。此其所以不相稱。而大遜于蘭也。蘭蕙之開時。分先後。蘭終蕙繼。猶芍藥之嗣牡丹。皆所謂兄終弟及。欲廢不能者也。善用蕙者。全在留花去葉。痛加剪除。擇其稍狹而近弱者。十存二三。又皆截之。使短去兩角而尖之。使與蘭葉相若。則是變蕙成蘭。而與強

幹弱枝之道合矣

水仙

水仙一花予之命也。予有四命各司一時春以水仙
蘭花爲命夏以蓮爲命秋以秋海棠爲命冬以蠟梅
爲命無此四花是無命也。一季缺予一花是奪予一
季之命也。水仙以秣陵爲最予之家于秣陵非家秣
陵家于水仙之鄉也。記丙午之春先以度歲無資衣
囊質盡迨水仙開時則爲強弩之末索一錢不得矣。
欲購無資家人曰請已之一年不看此花亦非怪事。

予曰。汝欲奪吾命乎。寧短一歲之壽。勿減一歲之花。且予自他鄉冒雪而歸。就水仙也不看水仙。是何異于不返金陵。仍在地鄉。卒歲乎。家人不能止。曉予其簪珥。購之子之鍾愛此花。非痴癖也。其色其香。其莖其葉。無一不異羣葩。而予更取其善媚婦人中之而似桃腰。似柳豐。如牡丹芍藥。而瘦比秋菊海棠者。在在有之。若如水仙之澹而多姿。不動不搖。而能作態者。吾實未之見也。以水仙二字呼之。可謂摹寫殆盡。使吾得見命名者。必頽然下拜。

不特金陵水仙爲天下第一。其植此花而售于人者。亦能司造物之權。欲其早則早。命之遲則遲。購者欲于某日開。則某日必開。未嘗先後一日。及此花將謝。又以遲者繼之。蓋以下種之先後爲先後也。至買就之時。給盆與石。而使之種。又能隨手布置。卽成畫圖。皆風雅文人所不及也。豈此等末技。亦由天授。非人力邪。

芙蕖

芙蕖與草本諸花似覺稍異。然有根無樹。一歲一生。

其性也。諸云產于水者。曰草芙蓉產于陸者。曰旱
蓮。則謂非草木不得矣。予竊李倚此爲命者。非故效
韓子茂。然其說于前人也。以芙蓉之可入其事
不一。而是辭備述之。羣葩當令時。只在花開之數日
前。此後此皆過而不問之秋矣。芙蓉則不然。自荷
錢出水之日。便爲點綴綠波。及其勁葉旣生。則又日
爲日上。日上日妍。有風旣作。飄颻之態。無風亦呈嫵
娜之姿。是我于花之未開。先享無窮逸致矣。迨至菡
萏成花。嬌姿欲滴。後先相繼。自夏徂秋。此則在花爲

分內之事在人爲應得之資者也。及花之既謝，亦可告無罪于主人矣。乃復蒂下生蓬蓬，中結實亭亭，獨方猶似未開之花，與翠葉並擎，不至白露爲霜而能事不已。此皆言其可目者也。可鼻則有荷葉之清香，荷花之異馥，避暑而暑爲之退，納涼而涼逐之生。至其可人之口者，則蓮實與藕皆並列盤餐，而互芬齒頰者也。只有霜中敗葉，零落難堪，似成棄物矣。乃摘而藏之，又備經年製物之用。是芙蕖也者，無一時一刻一物一絲不備家常之用者也。

有五穀之實而不有其名。兼百花之長而各去其短。種植之利有大于此者乎。予因命之中此命爲最無如酷好。一生竟不得一畝方塘爲安身立命之地。僅繫斗大一池。植數莖以塞責。又時病其漏。望天乞水以救之。殆所謂不善養生而草菅其命者哉。

罌粟

花之善變者莫如罌粟。次則數蔡。餘皆守故不遷者矣。藝此花如苦菊。觀其變也。牡丹謝而芍藥繼之。芍藥謝而罌粟繼之。皆繁之極盛之至者也。欲續三葩。

難乎其爲繼矣

葵

花之易栽易盛而又能變化不窮者止有一葵是事
半于罌粟而數倍其功者也。但葉之肥大可憎更甚
于蕙俗云牡丹雖好綠葉扶持人謂樹之難好者在
花而不知難者反易古今來不乏明君所不可必得
者忠良之佐耳

萱

萱花一無可取植此同于種菜爲口腹計則可耳至

云對此可以憂。此可以宜。男則于萬人試之。一驗者。書之不可盡。類如此矣。

雞冠

予有收雞冠花子一絕云。指甲搔花碎。紫雲雖非異。并也芳芬時。防撒却還珍。惜一粒。明年一孕雲。此非盛美之詞。道其實也。花之肖形者。儘多如綉毬玉簪金錢蝴蝶剪春羅之屬。皆能酷似。然皆塵世中物也。能肖天上之形者。獨有雞冠花一種。氤氲其象而靈。其文就上觀之。儼然慶雲一朵。乃當日命名者。合。

天上極美之物而搜索人間雞冠雖肖然而賤視花
客矣。請易其字曰一孕雲。此花有紅紫黃白四色。紅
者爲紅雲。紫者爲紫雲。黃者爲黃雲。白者爲白雲。又
有一種五色者。卽名爲五色雲。以上數者較之雞冠
誰榮誰辱。花如有知。必將德我。

玉簪

花之極賤而可貴者。玉簪是也。插入婦人髻中。孰真
孰假。幾不能辨。乃閨閣中必需之物。然留之弗摘。點
綴。亦似美人之遺。呼作江皐玉佩。誰曰不可。

鳳仙

鳳仙極賤之花。止宜點綴。若云備染指甲之用。則大謬矣。纖纖玉指。妙在無瑕。一染猩紅。便稱俗物。况所染之紅。又不能盡在指甲。勢必連肌帶肉。而丹之。追肌肉褪清之後。指甲又不能全紅。漸長漸退。而成欲謝之花矣。始作俑者。其俗物乎。

金錢

金錢金蓋。剪春羅。剪秋羅。諸種皆化工所作之小巧。文字因牡丹芍藥一開。造物之精華已竭。欲續不能。

欲斷不可。故作此輕描淡寫之文。以延其脉。吾觀于此。而識造物縱橫之才。力亦有窮時。不能似源泉混混。愈湧而愈出也。合一歲所開之花。可作天工一部全稿。梅花水仙試筆之文也。其氣雖雄。其機尚澁。故花不甚大。而色亦不甚濃。開至桃李棠杏等花。則文心怒發。興致淋漓。似有不可阻遏之勢矣。然其花之大。猶未甚濃。猶未至者。以其思路紛馳。而不聚筆機。過縱而難收。其勢之不可阻遏者。橫肆也。非純熟也。迨牡丹芍藥一開。則文心筆致俱臻化境。收橫肆而

純熟舒滿積而發光華造物于此可謂使才務盡
不留餘髮之餘矣然自識者視之不得終篇而知其
難釋何也世豈有開至樹不能蔽葉不能覆之花而
俗有一物焉高出其上大出其外者乎有開至衆彩
俱齊色不沾之花而尚有一物焉紅過于珠白過
于雪者乎斯時也使我爲造物則必善刀而藏矣乃
天則未肯告乏也夏欲試其技則從而荷之秋欲試
其技則從而菊之冬則計窮力竭儘可不花而猶作
蠅梅一種以寒責之數卉者可不謂之芳妍盡致足

殷。羣。芳。者。乎。然。較。之。春。末。夏。初。則。皆。强。弩。之。末。矣。至。于。金。錢。金。盞。剪。春。羅。剪。秋。羅。滴。滴。金。石。竹。諸。花。則。明。知。精。力。不。繼。篇。帙。寥。寥。作。此。以。塞。紙。尾。猶。人。詩。文。既。盡。附。以。零。星。雜。著。者。是。也。由。是。觀。之。造。物。者。極。欲。騁。才。不。肯。自。惜。其。力。之。人。也。造。物。之。才。不。可。竭。而。可。竭。可。竭。而。終。不。可。竟。竭。者。也。究。竟。一。部。全。文。終。病。其。後。來。稍。弱。其。不。能。弱。始。勁。終。者。氣。使。之。然。作。者。欲。留。餘。地。而。不。得。也。吾。謂。才。人。著。書。不。應。取。法。于。造。物。當。秋。冬。其。始。而。春。夏。其。終。則。是。能。以。蔗。境。行。文。而。免。于。江。

才盡之誚矣

蝴蝶花

此花巧甚。蝴蝶花間物也。此卽以蝴蝶爲花。一是。二。不知周之夢爲蝴蝶。歟。蝴蝶之夢爲周。歟。非蝶。非花。恰合莊周夢蝶。

菊

菊花者。秋季之牡丹芍藥也。種類之繁衍。同花色之全備。同而性能持久。復過之。從來種植之書。是花皆畧。而敘牡丹芍藥與菊者。獨詳。人皆謂三種奇艷。可

倪開公云
淵明殷璠

全分集

卷之五

三

藏板

以齊觀等視而予獨判爲兩截。謂有天工人力之分。何也。牡丹芍藥之美。全仗天工。非由人力。植此二花者。不過冬溉以肥。夏澆以濕。如是焉止矣。其開也爛熳。芬芳未嘗以人力不勤。畧減其姿而稍儉其色。菊花之美。則全仗人力。微假天工。藝菊之家。當其未入土也。則有治地釀土之勞。既入土也。則有插標記種之事。是萌芽未發之先。已費人力幾許矣。迨分秧植定之後。勞瘁萬端。復從此始。防燥也。慮濕也。摘頭也。摘葉也。芟藎也。接枝也。摘蟲掘蚓。以防火也。此皆花

事未成之日。竭盡人力。以俟天工者也。卽花之既開。亦有防雨避霜之患。縛枝繫蓋之勤。置盞引水之費。染色變容之苦。又皆以人力之有餘。補天工之不足者也。爲此一花。自春徂秋。自朝迄暮。總無一刻之暇。必如是其爲花也。始能豐麗而美觀。否則同于婆娑野菊。僅堪點綴疎籬而已。若是則菊花之美。非天美之人美之也。人美之而歸功于天。使與不費辛勤之牡丹芍藥。齊觀等視。不幾恩怨不分。而公私少辨乎。吾知斂翠凝紅。而爲沙中偶語者。必花神也。

自有菊以來高人逸士無不盡吻掄揚而予獨反其說者非與淵明作敵國藝菊之人終歲勤動而不以勝天之力予之是但知花好而昧所從來飲水忘源併置汲者于不問其心安乎從前題詠諸公皆若是也予創是說爲秋花報本乃深于愛菊非薄之也予嘗觀老圃之種菊而慨然于修士之立身與儒者之治業使能以種菊之無逸者殫其身心則焉往而不爲聖賢使能以種菊之有恒者攻吾舉業則何慮其不掄奇紫乃士人愛身愛名之心終不能如老圃

之愛菊奈何。

菜

菜爲至賤之物。又非衆花之等倫。乃草木藤本中。反有缺遺。而獨取此花。殿後無乃賤羣芳而輕花事乎。曰不然。菜果至賤之物。花亦卑卑不數之花。無如積至賤至卑者。而至盈千累萬。則賤者貴而卑者尊矣。民爲貴。社稷次之。君爲輕者。非民之果貴。民之至多。至盛爲可貴也。園圃種植之花。自數朵以至數十百。朵而止矣。有至盈阡溢畝。令人一望無際者哉。曰無。

之無則當推菜花爲盛矣。一氣初盈。萬花齊發。青疇
白壤。悉變黃金。不誠洋洋乎大觀也哉。當是時也。呼
朋拉友。散步芳塵。香風導酒。客尋常。錦蝶與遊人爭
路。郊畦之樂。什伯園亭。惟菜花之開。是其候也。

衆卉第四

草木之類。各有所長。有以花勝者。有以葉勝
者。花勝則葉無足取。且若薔。如葵。花蕙。草
之屬是也。葉勝則可以無花。非無花也。葉卽
花也。天以花之丰。神色澤。歸併于葉而生之。

者也不然綠者葉之本。色如其葉之則亦綠之而已矣。胡以爲紅爲紫爲黃爲碧如老少年美人蕉天竹翠雲草諸種。備五色之陸離。以娛觀者之目乎。卽其青之綠之亦不同。于有花之葉。另具一種芳姿。是知樹木之美。不定在花。猶之丈夫之美。耆不專主于有才而婦人之醜者。亦不盡在無色也。觀羣花令人修容觀諸卉。則所飾者不僅在貌。

芭蕉

幽齋但有隙地。卽宜種蕉。蕉能韻人而免于俗。與竹同功。王子猷偏厚此君。未免掛一漏一。蕉之易栽。十倍于竹。一二月卽可成陰。坐其下者。男女皆入畫圖。且能使臺榭軒窓。盡染碧色。綠天之號。洵不誣也。竹可鐫詩蕉可作字。皆文士近身之簡牘。乃竹上止可一書。不能削去再刻。蕉葉則隨書隨換。可以日變數題。尙有時不煩自洗。雨師代拭者。此天授名箋。不當供懷素一人之用。予有題蕉絕句云。萬花題徧示無私。費盡春來筆墨資。獨喜芭蕉容我儉。白舒晴葉待

題詩此芭蕉實錄也

翠雲

草色之最藹者。至翠雲而止。非特草木爲然。盡世間
蒼翠之色。總無一物可以喻之。惟天上彩雲。偶一幻
此。是知善着色者。惟有化工。卽與傾國佳人。眉上之
色。並較淺深。覺彼猶是畫工之筆。非化工之筆也。

虞美人

虞美人花。葉並嬌且動。而善舞。故又名舞草。譜云。人
或抵掌歌虞美人曲。卽葉動如舞。予曰。舞則有之。必

歌虞美人曲恐未必盡然。蓋歌舞並行之事。一姬試舞。衆姬必歌以助之。聞歌即舞。勢使然也。若謂必歌虞美人曲。則此曲能歌者幾。歌稀則和寡。此草亦得藉口藏其拙矣。

書帶草

書帶草其名極佳。苦不得見。譜載出潯川城北。鄭康成讀書處。名康成書帶草。噫。康成雅人。豈作王戎鑽核故事。不使種傳別地耶。康成婢子知書。使天下婢子皆不知書。則此草不可移。否則處處堪栽也。

老少年

此草一名鴈來紅。一名秋色。一名老少年。皆欠妥切。鴈來而紅者。尚有蓼花一種。經秋弄色者。又不一而足。皆屬泛稱。惟老少年三字相宜。而又病其俗。予嘗易其名曰還童草。似覺差勝。此草中仙品也。秋時得此羣花可廢。此草植之者繁。觀之者衆。然但知其一。未知其二。予嘗細玩而得之。蓋此草不特于一歲之中。經秋更媚。卽一日之中。亦到晚更媚。總之後勝于前。是其性也。此意向於獨得及闕徐竹隱詩。有葉從

秋後變色向晚來紅一聯不知確有所見如予知其
晚來更媚乎抑下句仍同上句其晚亦指秋乎難起
九原而問之卽謂先子一着可也

天竹

竹無花而以夾竹桃代之竹不實而以天竹補之皆
是可以不必然而強爲蛇足之事然蛇足之形自天
生之人亦不盡任咎也

虎刺

長盆栽虎刺宣石作峯巒布置得宜是一幅案頭山

水此虎丘賣花人長技也不可謂非化工手筆然購者于此必孰視其爲原盆與否是卉皆可新移獨虎刺必須久植新移旋種者百無一活不可不知

苔

苔者至賤易生之物然亦有時作難遇階砌新築冀其速生者彼必故意遲之以示難得予有養苔詩云汲水培苔淺却池鄰翁盡日笑人癡未成斑蘚渾難待繞砌頻呼綠拗兒然一生之後又令人無可奈何矣

萍

楊入水爲萍。是花中第一怪事。花已謝而辭樹。其命絕矣。乃又變爲一物。其生方始。殆一物而兩現其身者乎。人以楊花喻命薄之人。不知其命之厚也。較天下萬物爲獨甚。吾安能身作楊花而居水陸二地之勝乎。

水上生萍。極多雅趣。但怪其瀰漫太甚。克塞池沼。使水居有如陸地。亦恨事也。有功者不能無過。天下事其盡然哉。

竹木第五

未經種植者不載

竹木者何樹之不花者也。非盡不花。其見用
于世者。在此不在彼。雖花而猶之弗花也。花
者媚人之物。媚人者損已。故善花之樹多不
永年。不若倚桐梓漆之朴而能久。然則樹卽
樹耳。焉如花爲善花者。曰彼能無求于世則
可耳。我則不然。雨露所同也。灌溉所獨也。上
壤所同也。肥澤所獨也。子不見堯之水湯之
旱乎。如其雨露或竭而土不能滋。則奈何。盍

舍汝所行而就我不花者曰是則不能甘爲
竹木而已矣。

竹

俗云早間種樹晚上乘涼喻詞也。予于樹木中求一
物以實之其惟竹乎。種樹欲其成陰非十年不可。最
易活者莫如楊柳求其陰可蔽日亦須數日。惟竹不
然移入庭中卽成高樹能令俗人之舍不轉盼而成
高士之廬神哉此君真醫國手也。種竹之方舊傳有
訣云種竹無時雨過便移多留宿土記取南枝予悉

試之乃不可盡信之書也。三者之內，惟一可遵，多留宿土是也。移樹最忌傷根，土多則根之盤曲如故，是移地而未嘗移土。猶遷人者，併其臥榻而遷之，其人醒後尚不自知其遷也。若俟雨過方移，則沾泥帶水，有幾許未便泥濕，則鬆水沾則濡，我欲留上，其如土濕而蘇，隨鋤隨散之，不可留。何且雨過必晴，新移之竹晒則葉捲一捲，卽非活兆矣。予易其詞曰：未雨先移，天甫陰而雨猶未下，乘此急移，則宿土未濕，又復帶潮有如膠似膝之勢。我欲多留而土能隨我先據。

一籌之勝矣。且栽移甫定而雨至。是雨爲我下坐而受之。枝葉根本無一不沾滋潤之利。最忌者日而日不至。最喜者雨而雨。卽來去所忌而授以喜。未有不欣欣向榮者。此法不止種竹。是花是木皆然。至于記取南枝一語。尤難遵奉。移竹移花。不易其向。向南者仍使向南。自是草木之幸。然移草木就人。當隨人便。不能盡隨草木之便。無論。是花是竹。皆有正面有反面。正面向人。反面向空隙。理也。便記南枝而與人相左。適以新婦進門而聽其終年背立。有是理乎。故此

只當不說切勿泥之總之我花柳竹只有四字
凡言陰忌日是也瑣瑣繁言徒滋疑慮

松栢

若松古栢美其老也一切花竹皆貴少年獨松栢與
梅三物則貴老而賤幼欲受三老之益者必買舊宅
而居若俟手栽爲兒孫計則可身則不能觀其成也
求其可移而能就我者縱使極大亦是五更非三老
矣予嘗戲謂諸後生曰欲作畫圖中人非老不可三
五少年皆賤物也後生詢其故予曰不見畫山水者

每及人物必作扶筇曳杖之形。卽坐而觀山臨水。亦是老人矍鑠之狀。從來未有俊美少年。廁于其間者。少年亦有非携琴捧畫之流。卽挈盒持樽之輩。皆奴隸于畫中者也。後生輩欲反証予言。卒無其據。引此以喻松栢。可謂合倫。如一座園亭。所有者皆時花弱卉。無十數本老成樹木。主宰其間。是終日與兒女子習處。無從師會友時矣。名流作畫。肯若是乎。噫。予持此說。一生終不得與老成爲伍。乃今年已入畫。猶曰。坐兒女叢中。殆以花木爲我。而我爲松栢者乎。

倪蘭公云

奇聞至此

視同鑒混

沌爲家常

事矣

梧桐

梧桐一樹是草木中一部編年史也。世習爲下等。予特表而出之。花木種自何年爲壽。後何歲詢之。主人主。人不知。詢之花木。花木不答。謂之忘年交。則可。予以知時達務。則不可也。梧桐不然。有節可紀。生一年。紀一年。樹有樹之年。人卽紀人之年。樹小而人望之。小樹大而人隨之。大觀樹卽所以觀身。易曰。觀我生。進退欲觀我生。此其資也。予垂髫種此。卽于樹上刻詩以紀年。每歲一節。卽刻一詩。惜爲兵燹所壞。不

又云與楊
之盤銘同
一盤銘皆
人所當三
復者

克有終。猶記十五歲刻桐詩云。小時種梧桐。桐葉小
于艾。簪頭刻小詩。字瘦皮不壞。剎那三五年。桐大字
亦大。桐字已如許。人大復何怪。還將感歎詞。刻向前
詩外。新字日相催。舊字不相待。顧此新舊痕。而爲悠
忽戒。此予嬰年著作。因說梧桐。偶爾記及。不則竟忘
之矣。卽此一事。便受梧桐之益。然則編年之說。豈欺
人語乎。

槐榆

樹之能爲陰者。非槐卽榆。詩云。于我乎夏屋渠渠。此

二樹者可以呼爲夏屋。植于宅旁與有堂有構無別
人謂夏者大也。非時之所謂夏也。予曰。古人以夏爲
大者。非無取義。夏日之屋。非大不涼。與三時有別。故
名。夏爲屋。訓夏以大。予特未之詳耳。

柳

柳貴乎垂。不垂則可無柳。柳條貴長。不長則無嫵娜
之致。徒垂無益也。此樹爲納蟬之所。諸鳥亦集。長夏
不寂寞。得時聞鼓吹者。是樹皆有功。而高柳爲最。總
之種樹非止娛目。兼爲悅耳目。有時而不娛。以在臥。

榻之上也耳。則無時不悅鳥聲之最可愛者。不在人之坐時。而偏在睡時。鳥音宜曉聽。人皆知之。而其獨宜于曉之故。人則未之察也。鳥之防七無時不然。即辰以後。是人皆起。人起而鳥不自安矣。慮患之念一生。雖欲鳴而不得鳴。亦必無好音。此其不宜于晝也。曉則是人未起。即有起者。數亦寥寥。鳥無防患之心。自能畢其能事。且捫舌一夜。技癢于心。至此皆思調弄。所謂不鳴則已。一鳴驚人者是已。此其獨宜于曉也。莊子非魚能知魚之樂。笠翁非鳥能識鳥之情。凡

屬。鳴。禽。皆。當。以。予。爲。知。已。種。樹。之。樂。多。端。然。有。不。便。
於。雅。人。者。亦。有。一。節。枝。葉。繁。冗。不。漏。月。光。隔。鄰。第。而。
不。使。見。者。此。其。無。心。之。過。不。足。責。也。然。匪。樹。不。無。心。
人。無。心。耳。使。于。種。植。之。初。預。防。及。此。留。一。線。之。餘。天。
以。待。月。輪。出。沒。則。晝。夜。均。受。其。利。矣。

黃楊

黃。楊。每。歲。長。一。寸。不。溢。分。毫。至。閏。年。反。縮。一。寸。是。天。
限。之。木。也。植。此。宜。生。憐。憫。之。心。予。新。授。二。名。曰。知。命。
樹。天。不。使。高。強。爭。無。益。故。守。固。厄。爲。當。然。冬。不。改。柯。

夏○不○易○葉○其○素○行○原○如○是○也○使○以○他○木○處○此○卽○不○能○
高○亦○將○橫○生○而○至○大○矣○再○不○然○則○以○才○不○得○展○而○至○
瘁○弗○復○自○永○其○年○矣○困○于○天○而○能○自○全○其○天○非○知○命○
君○子○能○若○是○哉○最○可○憫○者○歲○長○一○寸○是○已○至○四○年○反○
縮○一○寸○其○義○何○居○歲○閏○而○我○不○閏○人○閏○而○已○不○閏○已○
見○天○地○之○私○乃○非○止○不○閏○又○復○從○而○刻○之○是○天○地○之○
待○黃○楊○可○謂○不○仁○之○至○不○義○之○甚○者○矣○乃○黃○楊○不○憾○
天○地○後○葉○較○他○木○加○繁○反○似○德○之○者○是○知○命○之○中○又○
知○命○之○外○也○花○之○君○子○此○樹○當○爲○木○之○君○子○蓮○爲○花○

之君子。茂叔知之。黃楊爲木之君子。非稍能格物之
至翁孰知之哉。

棕櫚

樹直上而無枝者。棕櫚是也。予不奇其無枝。奇其無
枝而能有葉。植于衆芳之中。而下不侵其地。上不蔽
其天者。此木是也。較之芭蕉。大有克已妨人之別。

楓柏

草之以葉爲花者。翠雲。老少年是也。木之以葉爲花
者。楓與柏是也。楓之丹。柏之赤。皆爲秋色之最濃。而

其所以得此者則非雨露之功霜之力也霜于草木亦有有功之時其不肯數數見者慮人之狎之也枯衆木而獨榮二木欲示德威之一斑耳

冬青

冬青一樹有松栢之實而不居其名有梅竹之風而不矜其節殆身隱焉文之流亞歟然談傲霜矚雪之姿者從未聞一人齒及是之推不言祿而祿亦不及予竊念之當易其名爲不求人知樹



